

მშობლივი

№ 15

1917

შინაარსი. საიუფლო—ეშმაკი, ფელსაფიკაცია—
მორიელი. პატარა ფელეტონი—თარაში. ძღვანთ ქურ
ნალისტებს—მ. შარადა—უჩინარი. მოქალაქენო—მეთ-
რანახანი. სააღდგომო მილოცვები—შექანჯალებული.

წერილი ეშმაკისათვის—ჩვანლუპე. მესტერული—გან-
ჯის კარელი. ვინც ამ ოშშია—ჩჩილი.
კარაკატ უჩხი. სარკესთან. პეტროგრადში. ძვე-
ლი და ახალი. ყარსის წყალსადენი.

ს ა რ კ ე ს თ ა ნ



მაინც საწყენათ ჩამრჩა გულში, რომ ახლა მე მხოლოდ ბ-ნი ნ.
რომანოვი-ლა ვარ.

საიღუებლო

ასეთი შემთხვევა პირველი როდია,
 აი, ეს ყმაწვილი,
 (ანთიმოზ ბოდია),
 არ იქნა, ჩემს გულში ვერ მოვაკალათე,
 თუმც ბევრჯერ ჩავხიზნე
 ნებსით, თუ ძალათე.
 შეხედავ, მშვენებით მაისის ვარდია,
 (აპოლონს თუ იცნობთ,
 იმისი ფარდია).
 შავი თმა აყრია, ვით ლომის ფაფარი,
 (ქუდიც არ სჭირია
 მას თავის საფარი).
 ლამაზი თვალეზი (თუმც უბეწვრილეზი),
 ალმასის მაგვარი
 და მწყობრი კბილეზი
 ამშვენებს მის სახეს სწორ-მოხაზულებით,
 (იქ უშნოს ვერაფერს
 ვერ ნახავ სრულებით).
 მაგრამ, როს ვუყურებ ამ სახის მშვენებას,
 მე ვხედავ მარტოღენ
 გარეგნულ შენებას.
 და ლამაზ ნიღაბ ქვეშ თითქო სხვა ვინშე ზის
 შემქმნელი მისდამი
 უაჩყოფით მიზეზის.
 მისი ხმა მქუხარე და ცეცხლთა მფრქვეველი
 ყურშივე მრჩებიან
 გულს მიუხწვეველი
 და სიტკბო საუბრის, შარბათთა ნაკადის,
 არ ვიცი რატომ, და
 სულამდე არ ჩადის.
 მას ჩემსა წინაშე ცოდო არ მიუძღვის,
 არცა თუ მსმენია
 ავი რამ მასზე სხვის.
 შემხვდება და მათრობს ქებით, თუ თავაზით
 ნარკვევი სიტყვებით
 სულ ლამაზ-ლამაზით.
 მაგრამ ეს მოპყრობა გულს ეკლათ მგვების,
 (არ ვიცი, ღმერთმანი,
 გიჟი ვარ ეგების!)

მაშ რატომ არ მატკობს მე მისი სტუმრობა,
 იმისი კამათი,
 იმისი ხუმრობა?
 მაშ რისთვის მგონია ზე ანარეკალი
 ყველა ეს, და მხვდება
 გულს, ვითა ეკალი?
 არ ვიცი. ვფიქრობ და ჯერაც ვერ მივმხდარვარ.
 ამ გამოცანებით
 მე კვლათ მდიდარ ვარ.

ეშმაკი.

P. S. ერთ მათგანს, ვისზედაც აი ამ ლექსსა ვსწერ,
 გუშინ წინ შემთხვევით
 მე თვალი შევასწარ:
 ციხისკენ მიჰყავდათ ფეხ ანაჩქარები
 და მცველთან მივიტერ
 გულ განამწარები.
 ვიკითხე მიზეზი მე მისი ტყვეობის,
 ვინც მუდამ ქადაგი
 სჩნდა ფაქიზ ზნეობის.
 და მესმა პასუხი გულ გამჩანაგები:
 — გაჰყიდა იუდამ
 ძმა, ამხანაგები...

ე—კი.

ფალსიფიკაცია

ვინ არ იცის, რომ მ. ლალიძის ქარხნის წყალ-
 მა თითქმის ყველა წყლები ჩაჩრდილა და თფილი-
 სის ბაზარზე გაბატონდა. პირველ ხანებში ეს წყლის
 ღირსებით აიხსნებოდა, შემდეგ კი ინერციის კა-
 ნონით.

და აი დაიწყო წაბაძულობა. მყიდველთა შეც-
 ლომაში შესაყვანათ ლალიძის მოქიშვე ქარხნებმა
 დაიწყეს ეტიკეტების*) მიმსგავსება. განსაკუთრებით

*) ბოთლებზე მიერულ ქადაღს, რომელზედაც
 ფირმის სახელ წოდება, არის აღნიშნული „ეტიკეტი“
 ეწოდება.

მიუახლოვდა მას ვინმე. ლოლაძე. თუ ახლოს არ დააკვირდით ვერაფრით ვერ გააჩვენებთ ვისი ქარხნისაა წყალი: ლალიძის, თუ ლოლაძის და მეც, პრინციპიალური მომხრე ლალიძის წყლისა არა ერთხელ შემეყვანა შეცდომაში.

მკითხველი იფიქრებს:

— ახირებული კაცია ეს მორიელი ქვეყანა ინგრევა და ის ლალიძის წყალზე გვებაასება-ო.

ეს საყვედური მართალი იქნებოდა, თუ ჩემს წერილს მიზნად მხოლოდ „ხილველი წყლის“ ფალსიფიკაცია დაესახა.

მე აზრათ მაქვს გამოვარკვიო თქვენს წინაშე, არა „ხილველობის წყლისა“ არამედ **წმინდა წყლის** ფალსიფიკაცია, რომელიც მოიმოქმედა „საუკეთესო მოწინავეთა“ ქარხნის პატრონმა იოსებ იმედაშვილმა და მისმა ნოქარმა ივანე გომართელმა. ლალიძის წყლის ამბავი მხოლოდ ილიუსტრაციაა.

მკითხველ საზოგადოებას უკვე მოეხსენება, რომ საქართველოში გამოდის პარტიული სოციალ-დემოკრატიული გაზეთი „ერთობა“. დარწმუნებული ვარ მკითხველ საზოგადოებას ისიც მოეხსენება, რომ გაზეთი „ერთობა“ ყველა ქართულ გაზეთზე უფრო გავრცელებულია საქართველოში.

და აი პრესის ფალსიფიკატორი იოსებ იმედაშვილი რიდას ფალსიფიკატორი იქნებოდა, თუ ამ აშკარა, თვალსაჩინო საქმეს ვერ მიხვდებოდა. ის არც იმდენათ სულელია, რომ კომერციის ანკესი საჭირო აღგიღას არ ჩააგდოს და თუ კი რისიმე დაქერა შეიძლება არ დაიჭიროს. აქ კი დასაჭერია ორიოდ გულუბრიყვილო მკითხველი. აი ამ განზრახვით იოსებ იმედაშვილმაც გამოსცა გაზეთი „ერთობა“, მხოლოდ როგორც მოსალოდნელი იყო მიაკერა მას სიტყვა „სახალხო“.

რისთვის დასჭირდა ბ-ნ იოსებ იმედაშვილსა და მის ნოქარს ეს მეორე „ერთობა“, თუ კი ისინი მართლაც და ერთობის მომხრენი არიან და თუ მათ ამ სახელწოდებით ვისიმე შეცდომაში შეყვანა არა სურთ? სასაცილოა მათი საქმე, სამწუხარო რომ არ იყოს.

იოსებ იმედაშვილის პატივცემულ სახელს კარგა მოზრდილი შავი დადი აზის ჯერ კიდევ პირველი დუმის არჩევნებიდან. რამდენათაც მკითხველ საზოგადოებას ახსოვს, ის არც ცდილა ამ დადი ს ჩამორეცხას. იმ შავბნელი რეაქციის დროს, მიუხე-

დავით მისი „საუკეთესო მოწინავეების“, ბ-ნი იმედაშვილი ჩინებულათ იჯდა ორ სკამზე და ვერავითარი დაკვირვებული თვალი მასში სოციალ-დემოკრატიის ნასახს ვერ აღმოაჩენდა. მაგრამ არიან ცხოველები, რომელნიც პირობის შესაფერათ იცვლიან ხოლმე ქერქს და ერთი ამგვართავანი აღმოჩნდა ისიც.

დაემხო რეაქცია და აი ი. იმედაშვილმაც უცებ ქერქი იცვალა. ის უკვე სოციალდემოკრატია, მაგრამ სოციალ დემოკრატ-ფალსიფიკატორი. მის გაზეთს აწერია:

„პროლეტარებო ყველა ქვეყნისა, შეერთდით! ქართული სოციალ-დემოკრატიული პარტია“.

ქართული სოციალ-დემოკრატიული პარტია და მისი ხელმძღვანელი იოსებ იმედაშვილი

განა წარმოგიდგენიათ, მკითხველნო, ამაზე უფრო სასაცილო რამ ამ რევოლიუციის დროს?!

„ქართული სოციალ-დემოკრატია“ და მისი უკეთესი წევრი იოსებ იმედაშვილი!

განა წარმოგიდგენიათ ამაზე მეტი შეურაცხყოფა ქართველი ერისა? იოსებ იმედაშვილს რო ჰკითხოთ, ის თავს დასდებს საქართველოსათვის. მერე თუ ეს ასეა, რათ შეურაცხყოფს იგი ქართველ ხალხს ასე, თითქო ქართულ სოციალ დემოკრატიას უთუოდ ფალსიფიკატორი და საექვო პიროვნება უნდა ედგეს სათავეში?

— ეს მას სისულელით მოსდისო! მიპასუხებს მკითხველი. ვეთანხმები, მაგრამ ამ ნოქარს იმედაშვილისას, პატივცემულ ექიმს და ჟურნალისტ ივანე გომართელს, რომელიც ამ თერთმეტი წლის განმავლობაში ხოლერიანსავით ერიდებოდა სოციალ-დემოკრატს, დღეს რამ აღუძრა მადა და სიყვარული მათდამი? ივანე გომართელს ხომ სისულელეს მტერიც ვერ დასწამებს! მაშ რათ ჩავარდა ეს კაცი ასეთ სასაცილო მდგომარეობაში, როგორშიაც დღეს მას ვხედავთ? რათ დასჭირდა მას იოსებ იმედაშვილის კუდათ ჩანჩალი და მოტყუებით თავისი აზრების ხალხში ვრცელება?

ამის შესახებ შემდეგ ნომერში.

მორიელი.

ჰატარა ფელეტონი

4.

„ბუზი იყო თურმე მხოლოდ!“

ადრე რომ მღვვი გვეგონა,
თურმე ერთ ფეხზე მდგარა...

ვ. რუხაძე. („ეშმაკის მათ.“)

Не поэтому ль короны
Такъ торжественно слетѣли?
(„Одес. Нов.“)

1.

— დედავ ჩემო! ხომ კი ხედავ
უკან-ყოფილ განსჯის დროსა!
დახე: მამის კუბოს ფიცრით
მე ამიგეს დევენის ჯაფრი!!.
მუსერის ქარ-ბუქს მიატანეს
წამებული ერის დროშა,
აყრილ ძვლებით ჩააქოლეს,
მიალეკეს სისხლის ღვარი!..

2.

დედა მიხვდა შვილის წადილს,
მის საშინელ ბედისწერას...
და მუხლებზე მოიკეცა
მწარე სიტყვით განგმირული.
შვილი მართლაც მიდიოდა...
ის სტოვებდა შშობლის კერას,
და განწირულ ბრძოლის ჰიმნებს
მიჰყობოდა მოხიბლული.

3.

ბრძოლის ველი მეხსა სცემდა,
ქექა-გრავინვის ხმით ტოკავდა;
ზღვის ბობოქარ ზვირთთა შთაზე
თრთოდა ცეცხლის ქარტეხილი.
რისხვით მთვრალი ბნელი ძალა
თავს არ ხრიდა, არ ზოგავდა,
და ჯოჯოხეთს მოუხმობდა
ბრძოლის ჟინით ატეხილი...

ჰა, დღეს ნელა ჰქრება ალი...
და სასტიკი წყდება ბრძოლა...
აგერ გმირიც, ვინც ბოროტი
მტერი დასცა საბოლოოდ!..
ზიზლით საესე სჭვრეტს აწ იგი
თუ ვინ იყო რომ ჩაჰქოლა;
სჭვრეტს და უკვირს, მაგრამ რაღა...
ბუზი იყო თურმე მხოლოდ...

თარაში.

* *
*

(ძღვნათ ლიტერატურის ზოგიერთ მსახურთ და მოყვარულთ)

გზაზე რომ შემხედებოდა, გამოიღებოდა, თვა-
ლები გაუბრწყინდებოდა. ეტყობოდა,— ჩემი დანახ-
ვა სასიამოთ ჰქონდა. მისმა ასეთმა თანაგრძნობამ
ჩემი გულის სიმებსაც ჩემოჰკრა, სატრფიალოთ მო-
მართა. ერთ საღამოს უკან წამომეწია, ჩამიარა და...
ცხვირ-სახოცი „გაუვარდა“. მსწრაფლ დავსწვდი,
ავიღე და მივაწოდე.

— გმადლობთ, მითხრა მან და ოდნავ წამო-
წითლდა.

— ნუ სწუხდებით! პირიქით, მე ვარ დიდი
მადლობელი, რომ თქვენი ცხვირ-სახოცის შეხების
ღირსი გამხადეთ.

— სულაც არ მქონია სახეში!

— ალბათ ღვთის ნება იყო.

ასე გავიცანით ერთმანეთი.

მალე კარგი მეგობრები შევიქენით.

სახლში ვესტუმრე. მხიარულათ მიმიღო, ხელში
„მერანის“ იმ დღინდელი ნუმერი ეჭირა.


— ვერ წარმოიდგენთ—რა სიამოვნებით ვკით-
ხულობ თქვენს უკანასკნელ ლექსს!

— დამცინით, ქალბატონო?

— განა არ ვიცო, რომ თქვენ პოეტი ხართ?
ძალიან მაწყენიეთ, რომ ამდენხანს ერთი ლექსი არ
მიძღვენით, გულმოსული ვარ თქვენზე...

— პირველათ მესმის ჩემი პოეტობა!

23 მარტი ქ. კებროგრაფი.



დაკრძალვა რევოლიუციის მსხვერპლთა. მოედანზე მოსჩანს პატარა ჯგუფი, მათ შორის თავმჯდომარე დამკრძალველ კომისიისა ისიდორე რამიშვილი და ცნობილი რევოლიუციონერი ქალი ვერა ზასულიჩი.

— ახ, კაკო ვი სკრომნი!..... მე სარწმუნო წყაროებიდან გაგებული მაქვს, რომ „ნ ის ლ ი“ ილიკო ჭიაფერაძის ფსევდონიმა.

— ხა, ხა, ხა!.. რათა გგონიათ, რომ ეგ ფსევდონიმი ჩემია და არა სხვა ვინმესი? ილიკო ჭიაფერაძე ხომ სხვაც შეიძლება იყოს?

დიდი მტკიცების შემდეგ, როგორც იყო, და ვაჯერე, რომ მე პოეტობის არა მეცხორა. ეწყინა.

იმ დღის შემდეგ აღმაცერათ დამიწყო ყურება. გზაზე რომ შემხვდებოდა აღარ იღიმებოდა, აღარც თვალები უბრწყინდებოდა, საღამოს მადღევდა, მაგრამ თავს ისე ზანტათ მიკრავდა, თითქოს დიდ რამეს მთავაზობდა. ჩემთან პირის-პირ შეყვარასა და ლაპარაკს გაურბოდა.

თანდათან მშორდებოდა. ვსწუხდი, ვშფოთავდი!

ინსტიქტიურათ მოვაველე კალამს ხელი და ხანგრძლივი ოფლის ღვრის შემდეგ დავსწერე ლექსი:

ჩემს სატრფოს!

(ძღვნათ თამარ მჩატაძის ასულს)

ლექსი რომ ვერ გიძღვენი,
 იმან გაგაგულისა,
 ჩემო კარგო? ჭირიმე
 შენი წმინდა სულისა!
 რომ მიყვარხარ, შენც იცი...
 აღარ უნდა მტკიცება;
 მომაკვდინებს, იცოდე,
 შენგან ვარის ტკიცება.
 ბროლის მკერდს რომ დაჰყვება
 ძუძუებს შუა არე—

იგი მინდა რომ გახდეს ჩემი ცხვირის სამარე.

გენაცვალე კისერში, გენაცვალე ყველგანა... არ მომისპო სიცოცხლე, არ გამიყარო დანა!

ლექსი რომ ვერ გიძღვენი, იმან გაგაგულისა, ჩემო კარგო? ქირიმე შენი წმინდა სულისა!

გადავათეთრე, ჩავდე პაკეტში და გავუგზავნე. მეორე დღეს შორიდან გამიღიმა:

— უფსევდინიმოთ?!! მაგრამ არა უშავს... მე თითონ მოვაწერე და გავგზავნე.

— სად?!

— რედაქციაში. არც ახლა გამოტყდებით? მუხლები კინაღამ მომოკეცა.

იმ დღეს აღარაფერი მიქამია. საღამოს სიცხე მომცა; მთელი ღამე ბურანში გავატარე. ყურში ჩამესმოდა რედაქციაში მომუშავეთა სიცილ-ხარხარი, ჩემი ნაცოდვილვეის წაკითხვით გამოწვეული. ხანდისხან რომ დამეძინებოდა, მაშინვე რედაქციაში დავიბადებოდი.. აი—ქალარა რედაქტორი გულმოდგინეთ დასცქერის ჩემს ლექსს და ბუტბუტებს: „სწორეთ არ დავიჯერებდი, სახელი და გვარი რომ არ ეწეროს. „ნისლი“ ასეთი სისულელე როგორ განოგზავნა!!“

— ჩემი აზრით, ამბობს ერთი მომუშავეთანი, ეს ლექსი მგონის შესარცხვენათ არის ვიღაც გარეწარის მიერ შეთითხნალი.

— შეიძლება „ნისლისაც“ იყოს, შენიშნავს მეორე, მარცხი ვის არ მოუვა?

— ვისიც უნდა იყოს, გაშვება შეუძლებელია, ჩემთვის ნაწარმოების ღირსებას აქვს მნიშვნელობა და არა მის ავტორს, დარბაისლურათ სწყვეტს კითხვას რედაქტორი და ჩემს ლექსს სარედაქციო კალათში აგდებს.

შემსუბუქება არც მეორე დღეს მიგრძენია, ხოლო მესამე დღეს, — არ გაგეცინოს მკითხველო, — ჩემს ნაწარმოებს მთელი საქართველო ჰკითხულობდა, და მე რაღა დამალონებდა?

იმავე ნუმერში მოთავსებული იყო ახალგაზდა კრიტიკოსის სიკო შტერადის კრიტიკული ესკიზი: „ველიუცია მგოსან „ნისლის“ შემოქმედებაში.“ სტატიას დართული ჰქონდა სახელდახელო „პოსტ-სკრიპტუმ“-ი:

„როგორც დავინახეთ, მიუხედავად ღრმა ველიუციისა „ნისლის“ ბოლონდელ ლექსებსაც აქვთ ცოტაოდენი ნაკლი. ეს არ ითქმის დღევანდელ ნუმერში მოთავსებულ ლექსზე. ეს ნაწარმოები („ჩემს სატრფოს“) ყოველი მხრით უნაკლოა. აქ მთელი თავისი სიძლიერით შლის ფრთებს ნიქიერი მგოსანის ლაღი შემოქმედება. განსაკუთრებით ყურადღების ღირსია მესამე და მოთხე ტაეპი. მზგავს მარგალიტს ჩვენ ლიტერატურაში სანთლით ვერ იპოვნით. ვრცლათ ხსენებულ ლექსს ცალკე სტატიაში გავარჩევთ“.

ამის წაკითხვის შემდეგ ბრმაც კი დარწმუნდებოდა, რომ მე დიდი პოეტური ნიქით ვიყავი დაჯილდოებული. თვალ-წინ გადავშალა ია და ვარდებით მოფენილი ბრწყინვალე მომავალი. „ღმერთო ჩემო, ვამბობდი გულში, რას ვფიქრობდი და რა მოხდა! მარგალიტი ყოფილა, მე კი... მართალი უთქვამთ, — დიდი პოეტი ცუდი კრიტიკოსიაო. თამარ!.. აწ ჩემ თავს შენ აღარავინ დაგანებებს. ვერც მე დავდგები ერთისა და ორის მედლოული, ვინაიდან ერთფეროვნება პოეტურ შემოქმედებას ჰკლავს... „მიგულვე აწ შენდა დაკარგულისათ“. მართალია ჩემსა და ქართულ ლიტერატურის წინააღე დიდი სამსახური მიგიძღვის, მაგრამ პატარა ჯილდო არც ის არის, რომ ჩემს ბიოგრაფიაში საპატიო ადგილი დავეთმობა“.

ჩემს უსაზღვრო სიხარულს მხოლოდ ის გარემოება აყენებდა პატარა ჩრდილს, რომ ჩემი თხზულება სხვისი სახელით იყო დასტამბული. საქროი იყო საქმის გამოსწორება. მეტი გზა არ იყო: უნდა მივსულიყავ რედაქტორთან და ყველაფერი გულახდილათ მეთქვა. მისი საშუალებით კრიტიკოსსაც ვნახავდი და... — „ნისლი“?? იმას რაღა პასუხს აძლევ? გამიელვა ამ დროს თავში.

„ნისლის“ წინაშე ჩემი დანაშაული მართლაც დიდი იყო. „ბოდიშს მოვიხდი, პატიებას ვსთხოვ!“ გავივლე გულში, და ეს ისეთ უებარ საშვალეობათ მეჩვენა, რომ სიხარულისაგან მაღლა შევხტი.



სადამოს ექვსი საათი იქნებოდა, რედაქციის კარები რომ შევალე. ერთი ახალგაზრდა ძალზე ცხარობდა. აღვლევბა ისე დიდი იყო რომ ჩემთვის ყურადღება არავის მოუქცევია.

— რა ვუყოთ, რომ ჩემი გეგონათ?— ეუბნებოდა ხანში შესულ კაცს ახალგაზრდა, —ვისიც უნდა იყოს, ერთი ფასი აქვს! ჩემიც რომ ყოფილიყო, არ უნდა გაგეშვათ!

ამ დროს ოთახში ერთი წვერ უღვავაშ გაპარული ყმაწვილი შემოვიდა.

— შენც, შენც რაღა ღმერთი გაგიწყრა?— მივარდა მას ახალგაზრდა.

— რაშია საქმე?

— იცი რა მიყავ?

შემდეგი ლაპარაკიდან ნათლათ გამოირკვა, რომ საქმე ჩემს ლექსს შეეხებოდა. პოეტი ამტკიცებდა, რომ ის ყოვლათ უვარგისი ლექსი ბნელი მიზნით იყო გამოგზავნილი რედაქციაში. ვიღაცას კიდევ ასახელებდა:

— ის მიზამდა მაგას და უთუოდ უნდა მოეკლაო.

წვერ-უღვავაშ გაპარსულ ყმაწვილს დაღრეჯილობა დაეტყო.

— რათ გაუშვი, კაცო!— უსაყვედურა მან რედაქტორს.

— რა ვიცოდით თუ ასე იყო საქმე?

— რომ არ ვარგოდა, ხომ დაინახე!

— თუ კაი დამნახავი ხარ, შენ თვითონ რათ არ დაინახე!— შეუტია რედაქტორმა, —მართალს თუ

მათქმევინებ, სულ შენ გააფუტე საქმე იმ ოხერი „პოსტ-სკრიპტუმით“. კრიტიკოსი ხარ რაღა!

— უკატრავათ! მე შენს რედაქტორობას ვენდევ. როგორ წარმოვიდგენდი, ისეთ სისულელეს თუ დასაბეჭდათ დაამზადებდი! მანამდის რომ მენახა, შესაფერ მსჯავრსაც დავდებდი და არც გაგაშვებინებდი!

— მოითმინეთ, ბატონებო, რა დროს ჩხუბია? — ჩაერია ლაპარაკში პოეტი, —წამხდარი საქმე როგორმე უნდა გამოვაკეთოთ და არა...

ველარ დავდექი, გამოვიპარე.


მესამე დღის ნუმერში გაზეთის თვალსაჩინო ადგილზე მსხვილი ასოებით ეწერა: „შეცდომის გასწორება: ჩვენი გაზეთის გუშინწინდელ ნუმერში მოთავსებულ ლექსს „ჩემს სატრფოს“ შეცდომით მოწერილი აქვს „ნისლი“, უნდა იყოს: „ისლი“.

იმავე ნუმერში ბ. შტერაძის წერილი თავდება შემდეგი სიტყვებით: „ეს არ ითქმის დღევანდელ ნუმერში მოთავსებულ ლექსზე. ეს ნაწარმოები („ჩემს სატრფოს“) ყოველი მხრით უნაკლოა“ და სხვ. უნდა იყოს: ეს არ ითქმის ხუთშაბათის ნუმერში მოთავსებულ ლექსზე. ეს ნაწარმოები („ჩემს სატრფო“) ყოველი მხრით უნაკლოა და სხვ.

აქვე უნდა აღვნიშნოთ, რომ ბ. „ისლის“ ლექსი ბრმა შემთხვევით გაგვეპარა, რისთვისაც დიდ ბოდიშს ვიხდით, როგორც „ნისლის“, ისე მკითხველ საზოგადოების წინაშე“.

წავიკითხე და... გამეცინა, მწარეთ გამეცინა.

d.



კ ვ ე ლ ი უ ჯ



წამების ბოძზედა განაკრავს
სტანჯავდენ ბნელეთის ქაჯები



ს ს ს ლ ი რ უ ს ე თ ი



დიდების კვარცხლბეკზე მდგომარეს
უღვანან გვერდთ პირმშო ვაჟები.

შ ა რ ა ლ ა

ვაცხადებ ეხლავე,
რომ დღეს ეს შარადა
არ მინდა საკბენად,
სხვათ გასამწარადა...
პირიქით, მოვძებნოთ
ფაქიზი სიტყვები
და ამო სასმენლად
ავკინძოთ რითმები!..

რა ხმაურს იძლევა
პატარა მდინარე,
მთით დანაქანები
ქვით ქვაზე მდინარე?
სიტყვა ეს ლამაზი
შვიდს ანბანს შეიცავს;
ჩვენ ორი გვეჭირია,
რაც უზის სიტყვის თავს.

ერმა სული, გული
მითი აიყვავოს;
რა დაჰკარგოს იგი—
თვითაც აღიგავოს!..
სამი ასო არის
მისი საძირკველი,
(წინა ორი გვინდა,
სხვას მიუშოთ ხელი).

ჩინურსა აქებენ
ამ დასაყრდნობელსა;
შორე გადაჭიმულს
მაღალსა და სქელსა.
სამი მარცვლისაგან
შესდგება სახელი,
შვათა არ გვეჭირია,
ორის ვართ მნახველი.

დასრულდა შარადა
(იქნება სხარტულად
ვერ შევძელ აწერა
და დარჩა ის რთულად!)

ეცადეთ, ახსენით,
ხიფრთხილით ნაშენი,
ის ჩვენი მოძმეა...
თან მათი მაშენი.

უჩინარი.

მოქალაქენო!

(ჩემი მოწოდება)

ქრისტე აღდგა! გიხაროდეთ,
აღსდგა ჩვენი მაცხოვარი
და კვლავ რომ არ დასამარდეს
აი, რა მაქვს სათხოვარი:
„უკუ ვავდოთ კინკლაობა,
რომ საერთოთ გველის შიში,
და ჯერ ახალ საქმის მტრებთან
გავასწოროთ ანგარიში.

ჩვენი გზები ჯერჯერობით
საკმაოთ არს არეული,
მტრები ერთობ ბლომით გვეყანან
შინ მჯდომი, თუ გარეული;
გავაზიროთ ლოზუნგები
სადღეისო (ტაქტიკური),
ფხიზლათ შევხედეთ განახლებულს
(ასი თვალი, ასი ყური).

პირველ ყოვლის საქმეს ხელი
და ვინც ვნახოთ უსაქმური,
გავიყვანოთ მოედანზე,
რომ სირცხვილის სცენ აღმური.
პური მშრომელს აღარ ყოფნის
რათ ვაჩინოთ მუქთა-ხორა?!.
(იგიც კმარა უშრომელათ
რაც რომ დღემდის ჩაიყორა).

შევამოკლოთ მეტი ხარჯი—
განცხრომა და ფუფუნება,

ამ ხანაში დროს ტარება
ბურჟუებსაც ემტყუნება.

ახლოს არვინ მივიკაროთ —
დაშაქრული, ტკბილეული,
ერთი ათათ რომ გაძვირდა
ეს დამბალი ხილეული!

განა იგი რომ არ ვკამოთ
ისე თავს ვერ შევინახავთ?!
(რომ არავინ არ ვიყიდოთ
რას იზამენ მაშინ ვნახავთ).

ქრისტე აღსდგა, მეგობრებო,
აღსდგა ჩვენი მაცხოვარი,
მაგრამ ფეხზე რომ გამაგრდეს
ისმინეთ ეს სათხოვარი.

ყოველივე ჩვენი შრომა
ფუჭათ რომ არ დაიხარჯოს,
ძირს ქიშპობა (კინკლაობა!)
მაშ ერთობას გაუმარჯოს...

მათრახოსანი.

სააღდგომო მილოცვები.

დედავ, დედავ, დედავ, დედავ,
რა მომესწრო და რას ვხედავ...
კილფონა და ქაიხოსრო,
აღარ გიკვირს რა მოგვესწრო:
რუსეთი რო გადაბრუნდა...
რაცხა თავში აფათქუნდა.
სიხარულით ავქანჯალდი,
შორს ვისროლე თოხი, წალდი;
მინდა ცეკვა, ბუქნა, ხტომა,
და ბრწყინვალე ეს აღდგომა
ყველას უნდა მივულოცო...
მაცა, ოფლი მოვიხოცო.

დროებით მთავრობას.

იყავ მართლა დროებითი,
მოიწვიე მალე კრება,

დამფუძნებელს რო ეტყვიან,
სულყველას რო ენატრება.
იყავ მხნე და, ნუ გაქვთ შიში,
გაუწიე ანგარიში
დემოკრატებს, მშრომელ ხალხსა,
ქალო, დღეს ნუ მაცმევ თალხსა.

სახელმწიფო ღუმას.

ლალე, ლალე, თართურალალე,
გასაკვირი რამე ხარ
და დროს მოჩანჩალე,
უწინ ძველის, ეხლა ახლის
გამხდარხარ მოწყალე.

კარლო ჩხეიძეს.

მებრძოლი ვარ, ხალხის შეილი.
შენებრ სხვამ ვინ დაიკვებოს,
იყავი მხნეთ, შეუპოვრათ,
მწუხარებამ არ გაგტებოს.

აკაკი ჩხენკელს.

მხნე მებრძოლი, რისხვა მტერთა
ბედმა მასში შეაერთა.
გაუწიე ძმას უღელი,
კვლავ იცოცხლე ბევრი წელი.

ნოე უორდანიას.

მრავალ წლოვან, დიდი მუხა,
ბევრჯერ რისხვაც დაექუხა,
მაგრამ იგი, მედგრათ მდგარი,
ოდნავაც ვერ შეაწუხა.
ცა უწვიმებს ხშირად მეხსა,
მაგრამ ერთს ტოტს მონატებსა —
ვერ უნახავს ვერსად თვალი;
მისთვის რაა ქარიშხალი!
თვალ საჩინოდ ველზე მდგომო,
რა მოგიძღვნა სააღდგომო,
იყავ მედგრათ, შეუპოვრათ,
რას დაგაკლებს ვაჟკაცს მტერი?
ვაი ბედშავს, წყალწილებულს,
თუ შენ რისხვით შემოსწყერი,

მუშათა საბჭოს.

„ქრისტე აღსდგა!“ გამარჯობა!
როგორ გშენის, ძმობამ, ბჭობა,
ახლა ყველამ შეგიყვარა,
რადგანაც ძველს გაეყარა.
სხვა რაღა ვსთქვა, ესეც კმარა.

ჯ ა რ ს.

ჯარსა სწოთენიდენ, ასწავლიდენ —
ვინ არს შინაური მტერი,
მაგრამ იცნა მან ვინც იყო,
აადინა ზურგზე მტვერი,
ერთობის რო დადგა ლხინი,
დაირაზმა „ნიჟნი ჩინი“,
ძველ „მოყვარეს“ უქნა განი,
უძღვნა ციხე და საკანი.
დაირაზმეთ, ძმურათ, მწყობრათ,
მოვსპოთ მტერი შინაგანი,
მხნეთ ვკვეთეთ გარეულ მტრებს,
აღარ მისცეთ გასაქანი.

მ უ შ ე ბ ს.

მუშებო! დროშა აღმართეთ,
ვაშა, რაც რომ მტრებს დამართეთ,
კვლავ გაშალეთ დროშა ფართეთ.
აწ უფრო აგუგუნდებით,
აწ დაჯაჭვული არ ივლით
საზიზღარ ბორკილ-ხუნდებით,
მჯერა მოკვდებით, და ძველ დროს
აწ აღარ დაუბრუნდებით;
მაშ ქრისტე აღსდგა! გილოცავთ,
ყველას დაგკოცნი ძმურადა.
ხანდახან შევექანჯალდები,
თქვენც მიმიხვდებით თუ რაღა!

მვგენი გეგეჭკორს.

ენა მკრელი, საქმე წრფელი,
დინჯი ხარ და მხნე, გამრჯელი,
მაშ, განაგრძე შენებურად,
წინ წაგვიძებ ვაჟკაცურად.

„სოციალ-დემოკრატს“.

გაგვიზაფხულდა, დადგა მარტია,
მოკვდა ას ორი მკაცრი სტატია,
„სოციალ-დემოკრატს“ არა აქვს შიში,
და მტრებზე მიაქვს მას მძლე იერიში.

ფედერალისტებს.

ქარის წისქვილებს რათ დაეჭიდეთ,
რატომ ვერ ხვდება ამას გრიგოლი,
რომ ძველ დროებას დაემტვრა რგოლი,
თუთუნს ჩიბუხით ვსწევ, ასდის ბოლი.

სპირიდონისტებს.

ქალო, მომე ღორის ქონი,
გულები მაქვს გასაქონი,
როგორც ვხედავთ აწი მგონი,
ვერ წავიღოთ სპირიდონი,
სად ვიშოვნოთ ჩვენ ვაგონი,
ვსტირით ჯავრით დანაღონი.

ეშმაკს.

ჯოჯოხეთის გამგებელო,
რქებზე კოცნით შეგებები,
იყავ მედგრათ! შავ ძალთათვის
დაამზადე მათრახები.

შექანჯალებული.



წერილი ეშმაკისადმი

(გურული სცენა).

ძამიავ, წყეულო და უხილაგო ეშმაკო! თურმე კაცს რაც არ გაქვს, იმას უფრო აფასებ... რაცხა ქე მეგონა ჩემი თავი, თუ რამე გულში გამიფაჩუნდებოდა, იმას ქე დავჯღაბნიდი ქალაღღზე, მარა კაცის დახატვა აქამდე არ მომსვლია გოგრაში. ახლა ქე დამქირდა, მარა ვერ მოგართვი, ველარ შევიძე-ლი... დალახვროს ღმერთმა შენი სახელი, რაფერი ჩაფათრეთება იცი კაცების, რო დოუყუღებ ალა-ბის ჩაგასავით ცხვირს, რო დოუგძეღებ ნიკაპს ნი-ჩაბსავით და ზედ წვერს ბალანჯეთ დოუტვე, კბი-ლებს დოუხვანჯალებ და ფეხებს გოუფარჩხნი, უჰ, შენ კი გენაცვალე ყანყრატოში, მაგას რამე რავა ჯობია. ასე, სიტყვით ქე ვიტყვი, მარა, საქმით, ნუ-რას, ვერ მოგართვი ჭიჭვი ფხალი. რამდენჯერ მე-ვინდომე ამ ბოლო ხანს ვინმე-ვინმე ჩამეფათრე-თებია, მარა ვერ მოგართვი,—რამდენჯერ ვინატრე, ერთი ოსკარ შტრინგათ მაქცია მეთქი, რაც უნდა ჩამოგკაკლო სიტყვით, ფათრეთი მაინც სხვაა, ხო და ერთ რამეს გეხვეწები შენ და ოსკარ შტრინგს და ამისრულებთ ამ თხოვნას,—ამას კი შეიძლებთ, თუ კი ხათრს მიზამთ, შუუძლებელი აფერი არ არის, თუ კი ფუტურისტებმა მზის დაორსულება შეიძღეს, მაგი რა დიდი საქმეა. ხო და საქმე ასეა:

მე მინდა ბათუმის ოლქის უჩიტლების კრება ჩამო-ფართრეთო. კრება სამ დღეს გაგრძელდა, მარა ფათრეთი ერთნერი გამუა. აბა მიყურე, მე და-გიკაკლავ, სიტყვიერთ ყველას დაგისურათებ და მერე შენ დააფათრეთე... უჩიტლები უნდა დააბრ-ძანო ან ბიჭების, ან და ციცების ღემლაზიის ზალა-ში, აგენი ორივე ქე გინახავს შენ... ქალები მარ-ცხნით დააბრძანე, კაცები უფრო მარჯვნიო... წინ სიმპატიური პრეტსედატელი დააჭინე, იგი ღმობი-ერია ყოველ მხრივ, თუ დეინახტება მომრიგებელ პრეტსედატელათ დახატე, რომელიც ორივე მოწი-ნაღმდევე მოკამათეს უთმობს... და საზოგადოთ „წესიერებას“ იცავსუწესო კრებაში. ქალებს, მანდი-ლოსან უჩიტლებს არც ერთს პირი არ გოუკეთო, ზედმეტი იქნება, რადგანაც არ ხმარობდენ, იქნება არ დაშვენდეთ, მარა რას იზამ ბიძია! კაცების დიდ

უმრავლესობასაც არ უნდა პირი, და ამისთვის არც ულვაშები იქნება მგონი საჭირო, ისე, შავი ბალა-ნით გოუსწორე ცხვირს ქვევით ყველაფერი. ბ-ნი სახალხო ინსპექტორი ყველას უკან დამიბრძანე, ეს თავდაბლობით მოსდიოდა. თუ ქვეშ წარწერა—ლოზუნგს ამ ნაირს გაუკეთებ კარგია: „უკანანი წინ“! რადგანაც ის თუმცა უკან იჯდდა, მარა, არ-ჩვენებში უჩიტლების წყალობით წინ იყო... უჩი-ტელების დიდი უმრავლესობა კენჭის ყრის დროს ასე გამოხატე,—მაგალითად სხვა კატიტატებთან ერთად ისპექტორსაც ასახელებენ... მაშინ თითქმის ყველას ააწვეიე ხელი კენჭის ყრის დროს... სახე ბევრს ინსპექტორისკენ მუუბრუნე, შეახედე მისკენ მასზე ხელაწვეულებს გაალიმებზე კოპლიმეტურათ...

არჩვენების დროს, თუ შეგიძლია დახატო, ნაც-ნობობა და მეგობრობის ხათრი გამოხატე ხმის მიმ-ცემ უჩიტლებში. ერთი ახალგაზრდა, პატარე უჩი-ტელი ხშირად ორჭოფურად, პეტროვის დამცველად ალაპარაკებული დამიხატე, ბ-ნი არსენ წითლიძე შავათ დახატე, რადგანაც იგი იმ დამეს უმოწყა-ლოთ გააშავეს, და ორი უჩიტელი კი თეთრად, თუმცა რო შეხედო, არც ისე თეთრი არიან. საზო-გადოთ უჩიტლების მოქმედებაში და სახეში სიფ-როხილე, შიში, და გაუბედაობა გამოხატე კითხვე-ბის გარჩევაში... ამის გარდა კიდევ დახატე ქუთაი-სის ცოცხალი, მომქმედი მასწავლებელთა კავშირი, და მასზე მოწყვეტილი ბათუმის ოლქის მასწავლე-ბელთა წყნარი, ჩუმი კავშირი, რომელიც ამა თუ იმ კითხვების გარჩევაზე არ იტკივებს თავს... ასეა, საქმე, ქე გითხარი ყოლიფერი, და აწი თუ ჩამი-ფათრეთებ, შენი იცი აბა, მაგიორს კი გასიამუნებ...

ჩვანდლუპუ.



მესტვირული.

ლიტანიაზე*).

ხელში ავიღე ქამანჩა,
(დაჩვეული ვარ ქერასა),
ლიტანიაზე გეახელ
მოვეყვებ პირჯვრისა წერასა.
ეწყო პასკა და კვერცხები,
რა სჯობდა იმის ცქერასა?!
თვალი სულ იქით ეჭირა
იმ მსუნაგ ცამეტ წვერასა.
რა შევამჩნიე, მაშინვე
შევვუდექ გულის ბერასა,
ვსთქვი: თუ ეძგერა ამეგს,
ვიწყებ ჩემებურ მღერასა...
„ქრისტე აღსდგაო“ — წარმოსთქვა,
ემზგავსა მშიერ ძერასა...
ჯიბიდან დანა იშვლია,
შეუღვა პასკის სერასა.
კვერცხებსაც უწყო გაყოფა,
ოთხიდან ორი მისია;
პასკასაც ბოჭავს მოზრდილებს,
(წვრილი რა საკადრისია!)
მდიდარს და ღარიბს არ არჩევს,
არცა კითხულობს ვისია;
რა ენადვლება, თუ პატრონს
ემჩნევა დანაკლისია.
სულ ესე ნაღდათ ვაქრობდა,
არ ჰყვარებია ნისია,
უფლის ბრძანებას არ უხვევს,
(ნამდვილი სინიდისია!
მეც ამისათვის გავხადე
მათრახის კულის ღირსია.)
თან დიაკვანიც მოსდევდა
მოძღვარსა კულის კულზედა,
„ქრისტე აღსდგაო“, გალობდა
„მკვდრეთითო“, ყოველ წუთზედა.
რა შეატყობდა მონაბოქს

*) ეს ლექსი შარშან ადგომას უნდა დაბეჭდილიყო, თუ ჩვენი ტექნოლოგიური შარშან ამდროს ცოცხალი არ ყოფილიყო.

უმძიმესია ფუთზედა,
ეკლესიაში შეჭქონდა,
წყობით აწყობდა ყუთზედა.
— მე ცალკე მომეც, რადგანაც
მას მღვდელი ჰყოფსო ხუთზედა,
თუ ვინმე შეეცილება,
საქმეს მისცემენ სულზედა.
ასეთის ფანდით ცბიერი
სიხარბით ხალხს ატყუებდა,
ზოგსა სტაცებდა ძალითა,
ზოგსაც ხვეწნითა სტყუებდა.
ყველას ბოჭავდა მღვდელივით,
ისრე არავის სტუებდა...
ნეტავ სად მყვანდა ეშმაკი
მათრახს არ მოაწუებდა...
შიგნით დიაკვანს ხმა-მალდა
ეჩხუბებოდა მოძღვარი:
შენ შენი ხვედრი ხომ მოგცეს,
რათა ხარ გაუმძღვარი...
კვალად ვსთქვი ბი, ნეტავი
ჩემი ეშმაკი სად არი,
ამათ მათრახი უცხუნოს,
მით დაამშვიდლოს საყდარი.

ან. განჯის-კარელი.

„ვინც ამ ომშია მოიგო ბევრი!“

ალვის ხესავით აყუდებული,
და გოგრა ფუყე, როგორაც ქვევრი,
მისჩერებია „ღროგზე“ ფქვილებსა
და უკვირს: ნეტავ ვისია ესა?!
ჰხედავს საღდაცა მიაქვთ შაქარი,
უკვირს; პატრონი ვინ, ან სად არი?!
— „ვინც ამ ომშია მოიგო ბევრი!“

ალვის ხესავით აყუდებული
და გოგრა ფუყე როგორაც ქვევრი,
ჰხედავს უთვალავ ქვრივებს და ობლებს...
ჰხედავს ნაღვლისგან ჩამომღწარი მშობლებს...
ჰხედავს უხელოს, უსინათლოსა
და ჰკვირობს, მათი ცოდვა ვინ ზღოსა?!
— ვინც ამ ომშია მოიგო ბევრი!“

ჩრჩილი.

ყოველ-კვირეული იუმორისტული გამოცემა

ეშმაკი

მიიღება ხელისმოწერა 1917 წლისათვის

ჟურნალის ფასი: 12 თვით 7 მ. —
 6 თვით 4 მ. — კ.
 3 თვით 2 მ. — კ.
 1 თვით — 70 კ.

ეშმაკის მათრახში დაიბეჭდება მხოლოდ იუმორის-
 ტული შინაარსის წერილები, ლექსები, მოთხრობები,
 ზღაპრები, არაკები, შარადები, გამოცანები,
 ნაკვესები და სხვა.

ჟურნალის სამხატვრო და სალიტერატურო მხარეს განაგებს ეშმაკი,
 ხოლო გამოცემის საქმეს კანტორა „განათლება“

რედაქცია სთხოვს როგორც თანამშრომლებს, ისე ხელის მომწერლებს რომ მასალები და
 ფული ამ ადრესზე: გამოგზავნონ Тифლისь, С. Р. Таварткиладзе, Ольгинская, 6
 поч. ящ. № 96.

„ერთობა“

მიიღება ხელის მოწერა 1917 წლისათვის

გაზეთი ღირს როგორც თფილისში, ისე პროვინციაში მთელი წლით 15 მანეთი, ნახევარი წლით 8 მ.
 სამი თვით 4 მან. 20 კაპ., ერთი თვით 1 მან. 40 კაპ.

გაზეთის ფასი ხელის მომწერლებმა წინდაწინ უნდა გადაიხადონ, ნისიათ არაფის გაეგზავნება.
 ფოსტით ხელის მომწერლებმა ფული შემდეგი ადრესით უნდა გამოგზავნონ: Тифლისь, почтовый
 ящик № 199, Власію Малакіевичу Бохохадзе.

თფილისის ხელის მომწერლებმა ფული უნდა შეიტანონ კანტორა „განათლებაში“ ოფის ქუჩა № 6.

ყარსის ფყალსაღენი



ბამვლელი. რას უცდით მოქალაქენო აქ?
 ❖ მოქალაქე. მარიამობისთვიდან ველოდებით წყაროს უკვდავებისას, მაგრამ
 დღემდე ამოლ.